



JADUAL IMAM/BILAL BERTUGAS PADA 27/3/2009

TUAN HAJI MOHAMMAD BIN HASHIM - IMAM BESAR

USTAZ MOHD AL HAFIZ BIN ASARI - BILAL

(Tajuk Khutbah : Menghayati Sunnah Nabi S.A.W)

JADUAL SOLAT HARI INI

SUBUH	SYURUK	ZOHOR	ASAR	MAGHRIB	ISYAK	IMSAK
5.57	7.13	1.19	4.18	7.21	8.30	5.47

No. Tel : 06-284 1142 Faks : 06-286 0435 Website : www.al-azim.com Email : maazim@streamyx.com

Bil. 13/2009 Tarikh: 27 Mac 2009 /30 Rabiulawal 1430H PERCUMA

Tazkirah

RAHSIA LUQMAN AL-HAKIM DALAM MENDIDIK ANAK

Sambungan dari minggu yang lepas

63. Hikmah Luqman mengenai jenis hikmah.

Luqman berkata kepada puteranya, "Puteraku, hikmah itu melakukan perkara berikut, pertama menghidupkan hati yang mati, kedua memberikan kedudukan bagi si miskin, ketiga menjaga tahta bagi penguasa, keempat memerdekakan budak, kelima melindungi orang miskin, keenam mencukupi orang fakir, ketujuh menambahkan kemuliaan bagi orang yang mulia, kelapan kedudukan yang tinggi bagi seorang majikan. Hikmah lebih utama dari pada harta. Ia menjadi pelindung daripada ketakutan. Ia sebagai persiapan di saat peperangan. Juga menjadi barang dagangan di saat untung. Hikmah adalah penolong di saat pemiliknyanya ditimpa kesusahan. Hikmah juga merupakan petunjuk bagi pemiliknyanya di saat dia kehilangan rasa percaya diri dan menjadi pakaian di saat tidak ada sehelai pakaian pun yang menutupi si pemiliknyanya."

64. Hikmah Luqman mengenai kefakiran.

Luqman berkata kepada puteranya, "Puteraku, atasilah kefakiran dengan usaha yang halal. Setiap seorang yang fakir pasti akan ditimpa tiga perkara berikut, pertama tipisnya ketaatan menjalankan perintah agama, kedua lemahnya akal dan ketiga hilangnya kehormatan diri. Ada yang lebih parah dari semua itu iaitu diremehkan, dilecehkan dan direndahkan oleh

semua orang."

65. Hikmah Luqman mengenai mencela orang miskin.

Janganlah kamu mencela orang yang tidak mempunyai makanan di saat dia mencari makanannya kerana orang yang tidak mempunyai makanan juga tidak ada pula akalnya."

66. Hikmah Luqman mengenai berteman dan menjaga lisan.

Luqman berkata kepada puteranya, "Puteraku, orang yang berteman dengan teman yang jahat, maka ia tidak selamat. Orang yang masuk ke kawasan kejahatan, maka ia akan dicurigai. Orang yang tidak menjaga lisannya maka ia akan menyesal."

67. Hikmah Luqman mengenai enam wasiat.

Pada saat ajal datang menjemputnya. Luqman berpesan kepada puteranya. "Puteraku, aku sering menasihatimu mengenai tujuan akhir ini (kematian). Sekarang sudah tiba saatnya aku menasihatimu dengan enam perkara yang dalamnya terkandung ilmu orang-orang terdahulu dan orang-orang mendatang. Pertama. janganlah kamu menyibukkan diri dengan dunia kecuali sekadar waktu rehat dalam umurmu. Kedua, sembahlah Tuhanmu sesuai dengan keperluanmu kepadanya. Ketiga, beramallah untuk akhiratmu sesuai dengan kedudukan yang kamu inginkan di akhirat nanti.



HIMPUNAN KISAH TELADAN PARA NABI & RASUL UNTUK PUTERA-PUTERI MUSLIM



Sambungan dari minggu lepas

"Ohooh ! Anakku tadi berhidung mancung. Tetapi, mengapa setelah mati, sekarang berhidung pesek?" Kata wanita itu sambil menangis terisak-isak.

Dia pun lari pergi menuju ke rumah wanita pertama. Di rumah wanita pertama itu, kedua wanita itu bertengkar. Kedua-duanya saling menuduh dan saling berebut anak yang masih hidup itu. Kedua-duanya mengatakan bahawa anak yang masih hidup itu adalah anaknya. Tidak ada yang mahu mengalah.

Pertengkaran di antara kedua-dua wanita itu pun

berhenti setelah ada petugas kerajaan. Ini kerana kedua belah pihak tidak mempunyai saksi-saksi, amatlah sukar bagi petugas kerajaan tersebut untuk menyelesaikan perkara itu. Akhirnya perkara kedua orang wanita itu pun diadukan kepada paduka raja.

Petugas kerajaan itu menceritakan kejadian tersebut kepada raja.

Raja ialah, iaitu Nabi Sulaiman bin Daud a.s. berkata: "Baiklah aku akan membuat pengadilan yang seadil-adilnya, sesuai dengan apa yang engkau berdua minta.

Bersambung di m/s 3 >>>

<<< *sambungan dari m/s 1*

Keempat, sibukkan dirimu untuk menyelamatkan lututmu dari api neraka selama kamu tidak yakin selamat darinya. Kelima, hendaklah kamu takut melakukan maksiat sesuai dengan kesabaranmu atas azab Allah. Keenam, jika kamu ingin melakukan maksiat kepada Allah, carilah tempat di mana Allah dan para malaikat tidak melihatmu."

68. Hikmah Luqman mengenai berbuat baik dan persahabatan.

Luqman berkata kepada puteranya, "Puteraku, janganlah kamu berikan kebaikanmu kepada selain orang yang memerlukannya. Kamu perlu mengambil pelajaran tidak ada persahabatan antara kambing dan serigala. Begitu pula tidak ada persahabatan antara orang taat dan orang jahat."

69. Hikmah Luqman mengenai berkawan dan berteman.

Luqman berkata kepada puteranya. "Puteraku, berkawanlah dengan orang-orang yang baik dan jangan berteman dengan orang-orang buruk (akhlak)."

70. Hikmah Luqman mengenai kaya.

Luqman berkata kepada puteranya, "Puteraku, jadilah orang kaya maka kamu akan dipercayai."

71. Hikmah Luqman mengenai meminta dan menolak.

Luqman berkata kepada puteranya, "Puteraku, janganlah kamu meminta sesuatu dengan mem-

belanggi dan janganlah kamu menolak sesuatu dengan menghadap kerana perkara itu akan melemahkan fikiran dan menghinakan akal."

72. Hikmah Luqman mengenai pendidikan di waktu kecil.

Luqman berkata kepada puteranya, "Puteraku, jika kamu terdidik sewaktu kecil maka kamu akan berguna ketika dewasa."

73. Hikmah Luqman mengenai perkara kecil.

Luqman berkata kepada puteranya, "Puteraku, janganlah kamu menghina sesuatu kerana kecilnya. Sesungguhnya sesuatu yang kecil, pada hari esok akan menjadi besar."

74. Hikmah Luqman mengenai berdusta.

Luqman berkata kepada puteranya, "Puteraku, jauhilah berdusta kerana berdusta itu akan merosak agamamu dan mengurangi kehormatanmu di hadapan orang lain. Seiring dengan itu, hilanglah pula rasa malumu, pesonamu dan kewibawaanmu. Kamu akan di pandang hina, tidak akan didengari dan ucapanmu tidak akan dipercayai. Tidak ada kebaikan dalam hidup sekiranya perkara seperti itu terjadi."

75. Hikmah Luqman mengenai tiga perkara utama dalam persahabatan.

Luqman berkata kepada puteranya, "Puteraku, jauhilah akhlak yang buruk, kegelisahan dan kurang bersabar.

Belajar Bahasa Arab

Bersama : Ustaz Haji Fazly bin Haji Yaacob

Oleh kerana bayi inilah yang menjadi sebab, maka letakkanlah bayi itu di atas meja!" Demikian titah Nabi Sulaiman a.s. kepada kedua orang wanita tersebut.

Setelah bayi itu diletakkan di atas meja, Nabi Sulaiman menghunus pedangnya. Pedang yang mengilat tajam itu diangkat tepat di atas badan bayi seraya berkata: Agar sesuai dengan keadilan, bayi ini akan aku belah menjadi dua. Masing-masing dari kamu akan mendapat separuh badan bayi ini. Bukankah ini adil?"

Mendengar keputusan Nabi Sulaiman itu, wanita kedua melompat lalu menyungkur di bawah tapak kaki Nabi Sulaiman a.s. Dia menangis tersedu-sedu sambil berkata: 'Wahai Nabi Allah, janganlah anakku dibunuh. Kasihanilah dia Biarkan aku saja yang dibunuh daripada anakku yang tidak berdosa.'

Sebaliknya, wanita pertama bahkan menyambut gembira keputusan Nabi Sulaiman tersebut. Dia berkata kepada Nabi Sulaiman: "Teruskanlah membedah bayi itu, wahai Nabi. Saya setuju dengan keputusan paduka. Keputusan itu amatlah bijaksana dan telah sesuai dengan keadilan.

"Melihat sikap kedua wanita itu, Nabi Sulaiman a.s. pun segera mengetahui siapa yang bersalah. Wanita pertama itulah yang bersalah. Dia mencuri bayi yang masih hidup dan menukarnya dengan bayinya yang telah mati.

"Tangkap dia dan masukkan ke dalam penjara. Dialah pencuri bayi. Buktinya, dia sampai hati terhadap bayi yang akan aku bahagi dua ini. Tidak ada rasa cemas sedikit pun dan tidak pula merasa kasihan terhadap bayi tersebut. Bahkan lebih bergembira. Adapun wanita kedua, memang demikianlah seharusnya sikap seorang ibu terhadap anaknya." Demikianlah Nabi Sulaiman a.s. menjelaskan.

Mereka yang hadir dalam persidangan itu merasa kagum atas kebijaksanaan dan keadilan Nabi Sulaiman a.s.

Tentulah tidak dapat dibayangkan betapa gembiranya sang ibu, wanita kedua ketika menerima kembali bayinya itu.

Raja yang Zalim Dimakbulkan Doa

Pada zaman Nabi Daud a.s. bertakhta seorang raja kafir yang sering menzalimi rakyatnya. Oleh kerana sudah tidak tahan, rakyat yang dizalimi itu lalu mengadakan perbuatan rajanya itu kepada Nabi Daud a.s.

Mendengar laporan itu, Nabi Daud memerintahkan agar raja kafir itu diberi hukuman yang setimpal dengan perbuatan zalimnya. Akhirnya, diputuskan untuk mengasingkan raja tersebut di atas bukit dengan cara dikurung. Lalu dengan paksa, raja itu dapat dibawa ke atas bukit dan dimasukkan ke dalam gua yang ditutup dengan terali besi.

Mendapat hukuman seperti itu, tentu saja sang raja sangat bingung dan takut. Tidak ada lagi pengawal atau hamba sahaya yang dapat diperintah untuk melaksanakan keinginannya. Ketika ini, dia benar-benar terasing seorang diri di atas bukit yang terpencil.

Saat ketakutan semakin menyerang dan tidak dapat ditahan lagi, dia pun cuba berdoa kepada 'Tuhannya'.

Pelajaran Empat Ratus Satu

هَيَّا نَذْهَبُ لِلنُّزْهَةِ

MARI KITA PERGI BERSIAR-SIAR

عائشة : مَا هِيَ الْأَمَاكِينُ الرَّائِعَةُ الْمَوْجُودَةُ فِي مَدِينَةِ مَلَاك؟

Aisyah: Apakah tempat-tempat yang menarik yang terdapat di Bandaraya Melaka?

محمود : فِيهَا الْأَمَاكِينُ الْجَدَابَةُ وَالْمَبَانِي التَّارِيخِيَّةُ.

Mahmud: Di Melaka terdapat tempat-tempat yang menyeronokkan dan bangunan-bangunan bersejarah.

ليلى : مَا هِيَ تِلْكَ الْأَمَاكِينُ؟

Laila: Apakah tempat-tempat itu?

محمود : نَسْتَطِيعُ أَنْ نَزُورَ قَلْعَةَ إِيَّاهُ فَاْمُوسَا فِي "بندر هيلير"

وَبِنْتِ "هغ تواه" وَحَدِيقَةَ التَّمْسَاحِ فِي "اير كروه".

Mahmud: Kita dapat mengunjungi Kota Famosa di Banda Hilir, Perigi Hang Tuah, dan Taman Buaya di Ayer Keroh.

عائشة : لَنْ أَصْبِرَ لِزِيَارَةِ مَدِينَةِ مَلَاك!

Aisyah: Saya tidak akan bersabar untuk mengunjungi Bandaraya Melaka.

Perigi: بِنْتِ

المعجم: كَامُسْ

Bangunan/Binaan: الْمَبَانِي

Kota: قَلْعَةُ

Tempat-tempat yang: الْأَمَاكِينُ الْجَدَابَةُ: menyeronokkan

SIDANG REDAKSI

PENGERUSI

Y.A.B. Datuk Seri Hj. Mohd. Ali Bin Mohd. Rustam
(Ketua Menteri Melaka)

PENAUNG

Y.B Tuan Hj. Ghazale Bin Muhamad
(Timbalan Pengerusi MAIM)

PENGARANG

Ustaz Hasbullah Bin Selah @ Salim
(Imam Satu)

PENASIHAT

Y. Bhg. Datuk Alias Bin Mad Saad
(Pegawai JAIM)

SIDANG PENGARANG

Ustaz Mohd. Amirudin Bin Ahmad
(Imam Dua)

KETUA PENGARANG

Al-Fadil Tn. Hj. Mohammad
Bin Hashim Al-Hafiz
(Imam Besar Masjid Negeri Melaka)

Tuan Haji Yaacob Bin Abdul Majid
(Imam Rawatib)

EDITOR

Tuan Hj. Ab. Rashid Bin Ab. Rahman
(Bilal Satu)

Pn. Mahaniza Binti Mahat
(Pembantu Tadbir)

Ustaz Mohd Aidiel Bin Jaapar
(Noja)

Tuan Hj. Borhan Benjamin Bin Abdullah
(Penyambut Tetamu)

JADUAL KELAS PENGAJIAN MASJID AL-AZIM MELAKA

HARI/MASA	SUBUH	ZOHOR	ASAR	MAGRIB	ISYAK
ISNIN		2.30 Ptg. Kelas Asas Al-Quran Kanak-Kanak	5.00 Ptg. Al-Quran Wanita Tn. Hj. Ab. Rashid b. Ab. Rahman	7.30 Mlm. Tn. Hj. Zakaria b. Lemat (Mustika Hadis)	
SELASA		2.30 Ptg. Kelas Asas Al-Quran Kanak-Kanak	5.00 Ptg. Al-Quran Wanita Tn. Hj. Ab. Rashid b. Ab. Rahman	7.30 Mlm. Fekah Datuk Wira Hj. Rashid Redza b. Md. Salleh	Pengajian Asas Taranum Tn. Hj. Ramli b. Dollah
RABU		2.30 Ptg. Kelas Asas Al-Quran Kanak-Kanak		7.30 Mlm. Fekah/Sirah Tn. Hj. Ali Umar	
KHAMIS		2.30 Ptg. Kelas Asas Al-Quran Kanak-Kanak		7.30 Mlm. Majlis Bacaan Yasin & Tahlil	
JUMAAT		2.30 Ptg. Fardu Ain Ust. Halimah		7.30 Mlm. Tauhid/Al-Quran Tuan Hj. Mohammad b. Hashim	Kelas Berzanji Tn. Hj. Abdul Latip b. Joned
SABTU	6.00 Pg. Kuliah Subuh Tn. Hj. Abd. Rahim b. Khalik 8.00 Pg. Kelas Pengajian Tahfiz Kanak-kanak 8.30 pg. - 12.30 Tgh. Kelas Pengajian Dewasa Persijilan	2.00 Ptg. Kelas Pengajian Tahfiz Kanak-kanak		7.30 Mlm. Hadis Tn. Hj. Ibrahim b. Abdul Hamid	Kelas Bahasa Arab Ust. Fazly b. Hj. Yaacob
AHAD	6.00 Pg. Kuliah Subuh Ustaz Shukeri Najib b. Ab. Rahim 8.00 Pg. Kelas Pengajian Tahfiz Kanak-kanak 10.00 Pg. Tafsir Datuk Hj. Idris Al-Hafiz 8.30 Pg. - 12.30 Tgh. Kelas Pengajian Dewasa Persijilan	2.00 Ptg. Kelas Pengajian Tahfiz Kanak-kanak		7.30 Mlm. Tafsir Tn. Hj. Abd. Rahim b. Chalik	

< < < sambungan dari m/s 3

Disebutnya nama-nama berhala yang selama ini disembahnya. Namun, setelah sekian lama berdoa, Tuhan itu ternyata tidak mengabulkan permintaannya.

Dia pun cuba berdoa kepada matahari dan bulan: 'Wahai matahari dan bulan, Tuhanku! Hamba memohon perlindungan kamu dari musibah ini.' Namun, lagi-lagi Tuhannya itu tidak mengabulkan permintaannya. Ketika hampir putus asa, tiba-tiba dia teringat pada Allah S.W.T., Tuhan semesta alam, yang selama ini diingkarinya sebagai Tuhan.

Dengan bersungguh-sungguh, dia pun berdoa: "Ya Allah, hamba telah ingkar kepada-Mu dan telah menyembah selain Engkau, namun tidak mendapat manfaat apa pun. Sekarang, hamba kembali kepada-Mu yang Maha benar supaya Engkau dapat menolong hamba-Mu yang tidak berdaya ini. Ya Allah, tolonglah hamba!"

Allah S.W.T. yang tidak pandang kasih terhadap makhluknya kemudian mengabulkan permohonan itu dan berfirman: "Orang ini selalu mengabdikan kepada Tuhan yang disembahnya, tetapi tidak pernah mendapat manfaat dari Tuhan-tuhannya itu. Hari ini dia telah kembali kepada-Ku, memohon perlindungan-Ku dan berdoa kepada-Ku, maka Aku kabulkan doa hamba-Ku ini. Aku akan mengabulkan doa hamba-hamba-Ku selama mereka memohon kepadaKu. Wahai Jibril, bebaskanlah hamba-Ku ini dan letakkanlah di atas bumi dengan selamat."

Malaikat Jibril melaksanakan perintah itu. Ia mengeluarkan raja kafir itu dari gua dan meletakkannya di suatu tempat jauh dari gua itu.

Sementara itu, keesokan harinya rakyat beramai-

ramai mendatangi Nabi Daud dan memohon agar izinkan melihat Rajanya yang sedang dikurung itu. Nabi Daud pun mengizinkannya.

Setelah sampai di atas bukit gunung itu, mereka sangat terkejut melihat terali gua itu telah terbuka dan sang raja yang kafir itu telah pergi meninggalkan tempat itu. Tentu saja, mereka segera kembali dan melaporkan peristiwa itu pada Nabi Daud.

Nabi Daud, yang berasa terkejut juga, segera mendatangi gua itu bersama mereka yang juga teruja dengan kejadian itu. Setelah melihat dengan matanya bahawa pintu terali gua telah terbuka dan raja kafir itu telah bebas, Nabi Daud lalu mengerjakan solat dua rakaat untuk memohon petunjuk Allah S.W.T. Selesai solat, dia berdoa: "Ya Allah, beritakanlah kepadaku. peristiwa yang sangat menakutkan ini."

Allah S.W.T. kemudian berfirman: 'Wahai Daud! HambaKu itu telah memohon perlindungan kepada-Ku dan Aku mengabulkannya. Jika Aku tidak mengabulkan permohonannya, bererti Aku sama dengan Tuhan-tuhannya yang dulu selalu disembahnya, yang sama sekali tidak dapat mengabulkan permohonannya. Aku juga mengabulkan doa orang-orang yang bertaubat kepada-Ku. Wahai Daud, jelaskanlah masalah keimanan pada orang itu. Aku yakin dia akan beriman dengan baik. Aku selalu berkata benar dan memberi petunjuk kepada siapa saja yang meminta petunjuk-Ku.'

Pungutan Tabung Derma Masjid Al-Azim

20.3.2009 - RM 4,445.40

PERINGATAN :

SILA LETAKKAN RISALAH INI DI TEMPAT YANG SESUAI